

Պ Ա Յ Մ Ա Ն Ա Գ Ի Ր N 8

քաղ. Երևան

«25» փետրվարի 2019 թ.

ՀՀ ՏԶՆ նախարարության պետական գույքի կառավարման կոմիտեն (այսուհետ՝ Կոմիտե), մի կողմից, ի դեմս Կոմիտեի աշխատակազմի ղեկավարի պաշտոնակատար Անի Սուրենի Օրոսյանի (այսուհետ՝ Համապատասխան մարմին) և Աննա Երվանդի Ակտարյանը (ծնված՝ 1989 թ. փետրվարի 14-ին, բնակության վայր՝ ք.Երևան, Ա.Սեբրոբի 11/1 շ., 52 բն.), նույնականացման քարտ՝ N ID 004186243 տրված 004-ի կողմից՝ 2015թ. մարտի 5-ին, հանրային ծառայության համարանիշ 6402890340, մյուս կողմից (այսուհետ՝ փորձագետ) մյուս կողմից, կնքեցին սույն պայմանագիրը հետևյալի մասին՝

1. Պ Ա Յ Մ Ա Ն Ա Գ Ի Ա Ռ Ա Ր Կ Ա Ն

1.1. Համապատասխան մարմինը փորձագետին հանձնարարում է իրականացնել որոշակի աշխատանքներ, որոնց նկարագրությունը նշված է սույն պայմանագրի 1.3-րդ կետում և պարտավորվում է վճարել նրա կատարած աշխատանքի համար, իսկ փորձագետը պարտավորվում է կատարել հանձնարարված աշխատանքները սույն պայմանագրով սահմանված պայմաններով:

1.2. Փորձագետն անմիջականորեն ենթարկվում է Պետական գույքի տնօրինման վարչության պետական օտարման բաժնի պետին: Աշխատանքների կատարման վայրն է՝ համապատասխան մարմնի գտնվելու վայրը:

1.3. Սույն պայմանագրով փորձագետին առաջադրվող աշխատանքը ներառում է՝

- 1) օտարման ենթակա գույքի դասակարգման (իրացվելի և դժվար իրացվելի) աշխատանքների իրականացում,
- 2) օտարման ենթակա գույքի դասակարգման համար հայտանիշների սահմանման, այդ գործընթացում իրականացվող աշխատանքներին աջակցում,
- 3) օտարման ենթակա գույքի լավագույն օգտագործման հնարավորությունների բացահայտում,
- 4) գույքի լավագույն օգտագործման հնարավորությունների (արդյունքների) կանխատեսելի քանակական գնահատում,
- 5) օտարման ենթակա գույքի ներգրավմամբ ներդրումային ծրագրերի (այդ թվում նաև սոցիալական նշանակության) մշակում,
- 6) մշակված ներդրումային ծրագրի վերաբերյալ հանրությանն իրազեկման (զովագրման) կազմակերպման և իրականացման աշխատանքների իրականացում :

1.4. Փորձագետի համար սույն պայմանագրով նախատեսված աշխատանքը համարվում է հիմնական:

2. ԿՈՂՄԵՐԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

2.1. Փորձագետը պարտավորվում է՝

2.1.2. Բարեխղճորեն կատարել սույն պայմանագրով ստանձնած աշխատանքները:

2.1.3. Պահպանել համապատասխան մարմնում սահմանված ներքին կարգապահական կանոնները,

աշխատանքային կարգապահությունը:

2.1.4. Պահպանել աշխատանքի պաշտպանության և անվտանգության ապահովման միջոցները:

2.1.5. Իրականացնել աշխատանքային օրենսդրությամբ, «Հանրային ծառայության մասին» օրենքով և սույն պայմանագրով իրեն վերապահված այլ պարտականությունները:

2.1.6. Պետական գույքի կառավարման կոմիտեի պետական գույքի տնօրինման վարչության պետական գույքի օտարման բաժնի պետին ներկայացնել հաշվետվություն իր կողմից իրականացրած աշխատանքների մասին եռամսյա պարբերականությամբ, իսկ աշխատանքներն ավարտելուց հետո՝ պայմանագրի ժամկետի ավարտից 5 աշխատանքային օր առաջ ներկայացնել ամփոփ հաշվետվություն վեց ամսվա ընթացքում կատարված աշխատանքների վերաբերյալ:

2.2. Փորձագետն իրավունք ունի՝

2.2.1. Սույն պայմանագրի 4-րդ կետի համաձայն ստանալու վարձատրություն:

2.2.2. Պահանջելու համապատասխան մարմնից ապահովել Հայաստանի Հանրապետության օրենսդրությամբ սահմանված իր հանգստի իրավունքը:

2.2.3. Իրականացնելու Հայաստանի Հանրապետության օրենսդրությամբ և սույն պայմանագրով իրեն վերապահված այլ իրավունքներ:

2.3. Համապատասխան մարմինը պարտավորվում է՝

2.3.1. Սույն պայմանագրի 4-րդ կետի համաձայն վճարել փորձագետի աշխատավարձը:

2.3.2. Սահմանված կարգով փորձագետին տրամադրել սմենամյա և եպատակային արձակուրդ:

2.3.3. Ապահովել անվտանգ և առողջության համար անվտանգ աշխատանքային պայմաններ:

2.3.4. Փորձագետին ծանոթացնել կազմակերպությունում գործող ներքին կարգապահական կանոններին, աշխատանքի պաշտպանության և հակահրդեհային անվտանգության ապահովման պահանջներին:

2.3.5. Ժամանակին ապահովել փորձագետին անհրաժեշտ կուրսստեյնիկական միջոցներով:

2.3.6. Փորձագետի անձնական տվյալները մշակելիս պահպանել Հայաստանի Հանրապետության օրենսդրությամբ նախատեսված պահանջները:

2.3.7. Իրականացնել աշխատանքային օրենսդրությամբ և սույն պայմանագրով իրեն վերապահված այլ պարտականություններ:

2.4. Համապատասխան մարմինն իրավունք ունի՝

2.4.1. Ցանկացած պահին ստուգելու փորձագետին հանձնարարված աշխատանքների կատարման ընթացքը:

2.4.2. Փորձագետին ներգրավելու արտաժամյա աշխատանքների, որի տևողությունն իրար հաջորդող երկու օրերի ընթացքում չի կարող անցնել 4 ժամը:

2.4.3. Իրականացնելու աշխատանքային օրենսդրությամբ և սույն պայմանագրով իրեն վերապահված այլ իրավունքներ:

3. ԱՇԽԱՏԱՆՔԻ ՌԵԺԻՄԸ ԵՎ ՏԵՎՈՂՈՒԹՅՈՒՆԸ, ԱՐՉԱԿՈՒՐՆԸ

3.1. Փորձագետի համար սահմանվում է աշխատաժամանակի նորմալ տևողություն: Աշխատանքային օրվա սկիզբը սահմանվում է ժամը 9:00-ից, ավարտը՝ ժամը 18:00:

3.2. Փորձագետին Հայաստանի Հանրապետության օրենսդրությամբ սահմանված կարգով տրամադրվում է ամենամյա ելլազագույն արձակուրդ՝ 20 աշխատանքային օր տևողությամբ:

4. ՎԱՐՉԱՏՐՈՒԹՅՈՒՆԸ

4.1. Սույն պայմանագրով նախատեսված աշխատանքների իրականացման համար համապատասխան մարմինը փորձագետին յուրաքանչյուր ամիս վճարում է հիմնական աշխատավարձ 310858 (երեք հարյուր տասն հազար ութ հարյուր հիսունութ) դրամ:

4.2. Փորձագետի համար հավելավճարներ, լրավճարներ չեն սահմանվում:

4.3. Փորձագետին արտաժամյա աշխատանքի յուրաքանչյուր ժամի համար վճարվում է հավելում՝ ժամային դրույքաչափի 50 տոկոսի չափով:

5. ՊԱՅՄԱՆԱԳՐԻ ՓՈՓՈԽՈՒՄԸ, ԼՈՒԾՈՒՄԸ ԵՎ ԴԱԴԱՐՈՒՄԸ

5.1. Սույն պայմանագիրը կարող է փոփոխվել և լրացվել միայն կողմերի փոխադարձ համաձայնությամբ՝ բացառությամբ աշխատանքային օրենսգրքով նախատեսված դեպքերի: Սույն պայմանագրի փոփոխությունները և լրացումները կատարվում են լրացուցիչ համաձայնագրերով, որոնք կհանդիսանան սույն պայմանագրի անբաժան մասը:

5.2. Սույն պայմանագիրը լուծվում է աշխատանքային օրենսդրությամբ նախատեսված կարգով և դեպքերում, ինչպես նաև առանձին խնդիրների իրականացման համար պետական մարմինների կողմից փորձագետի ներգրավման կարգի խախտմամբ կնքված լինելու դեպքերում:

6. ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏՆԵՐԸ

6.1. Պայմանագիրն ուժի մեջ է մտնում 2018 թվականի փետրվարի 25-ից և գործում է վեց ամիս ժամկետով մինչև 2019 թվականի օգոստոսի 25-ը:

7. ԵԶՐԱՓՈՎԻՉ ԴՐՈՒՑԹՆԵՐ

7.1. Սույն պայմանագրով չկարգավորված բոլոր հարցերը ենթակա են կարգավորման Հայաստանի Հանրապետության օրենսդրությամբ սահմանված կարգով:

7.2. Սույն պայմանագրով չնախատեսված դեպքերում կողմերն իրենց պարտավորությունների չկատարման, կամ անպատշաճ կատարման համար պատասխանատվության են ենթարկվում Հայաստանի Հանրապետության օրենսդրությամբ սահմանված կարգով:

7.3. Սույն պայմանագիրը կազմված է երկու օրինակից, որոնք ունեն հավասար իրաւարանական ուժ, յուրաքանչյուր կողմին տրվում է մեկական օրինակ:

Կոմիտեի աշխատակազմի ղեկավարի
պաշտոնակատար

Անի Օրոսյան



(ստորագրություն)

Փորձագետը

Աննա Ակտարյան

(ստորագրություն)



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏՆՏԵՍԱԿԱՆ
ԶԱՐԳԱՅՄԱՆ ԵՎ ՆԵՐԴՐՈՒՄՆԵՐԻ ՆԱԽԱՐԱՐՈՒԹՅՈՒՆ
ՊԵՏԱԿԱՆ ԳՈՒՅՔԻ ԿԱՌԱՎԱՐՄԱՆ ԿՈՄԻՏԵ
ՆԱԽԱԳԱՀ

Հ Ր Ա Մ Ա Ն

№ 21 -Ա « 08 » 02 2019թ.

ք.երևան

ՓՈՐՁԱԳԵՏԻ ԿՈՂՄԻՑ ԻՐԱԿԱՆԱՑՎՈՂ ԱՇԽԱՏԱՆՔՆԵՐԻ ԾՐԱԳԻՐԸ
ՀԱՍՏԱՏԵԼՈՒ ՄԱՍԻՆ

Ղեկավարվելով Հայաստանի Հանրապետության կառավարության 2018 թվականի օգոստոսի 2-ի «Առանձին խնդիրների իրականացման համար պետական մարմինների կողմից փորձագետի ներգրավման կարգը և դեպքերը սահմանելու մասին» № 878-Ն որոշմամբ հաստատված կարգի 2-րդ և 7-րդ մասերով և Հայաստանի Հանրապետության տնտեսական զարգացման և ներդրումների նախարարի 2018 թվականի հունիսի 11-ի «Հայաստանի Հանրապետության տնտեսական զարգացման և ներդրումների նախարարության պետական գույքի կառավարման կոմիտեի կանոնադրությունը հաստատելու մասին» № 398-Լ հրամանով հաստատված հավելվածի 19-րդ մասի 12-րդ կետով և հիմք ընդունելով Հայաստանի Հանրապետության փոխվարչապետ Տիգրան Ավինյանի 2019 թվականի փետրվարի 5-ի № 04/03.7/4671-2019 հանձնարարականը.

Հ Ր Ա Մ Ա Յ ՈՒ Մ Ե Մ '

1. Հաստատել փորձագետի կողմից իրականացվող աշխատանքների ծրագիրը համաձայն հավելվածի:
2. Սույն հրամանն ուժի մեջ է մտնում ստորագրման պահից:

 ՆԱՐԵԿ ԲԱԲԱՅԱՆ

**ԱՇԽԱՏԱՆՔՆԵՐԻ ԾՐԱԳԻՐ
ՓՈՐՁԱԳԵՏԻ ԿՈՂՄԻՑ ԻՐԱԿԱՆԱՑՎՈՂ**

Պետություն-մասնավոր հատված գործունեության շրջանակներում իրացվելի կամ դժվար իրացվելի գույքի ներգրավմամբ ներդրումային ծրագրերի (այդ թվում սոցիալական նշանակության) մշակման և այդ ծրագրերի գովազդման աշխատանքների կազմակերպման և իրականացման համար Պետական գույքի կառավարման կոմիտեի պետական գույքի տնօրինման վարչության պետական գույքի օտարման բաժնում ներգրավել մեկ փորձագետ վեց ամիս ժամկետով:

1. Փորձագետին ներկայացվող պահանջներն են.

1) Ճարտարապետություն, կամ ճարտարապետական միջավայրի դիզայն, կամ տնտեսագիտություն, կամ գործարարություն և վարչարարություն մասնագիտությունների գծով բարձրագույն կրթություն, առնվազն երեք տարվա աշխատանքային ստաժ, որից երկու տարվա մասնագիտական աշխատանքային ստաժ, կամ պետական կառավարման ոլորտի առնվազն երկու տարվա աշխատանքային ստաժ.

2) Հայաստանի Հանրապետության քաղաքացիական, Հայաստանի Հանրապետության հողային օրենսգրքերի, «Նորմատիվ իրավական ակտերի մասին», «Պետական գույքի մասնավորեցման (սեփականաշնորհման) մասին», «Պետական գույքի կառավարման մասին», «Պետական գույքի մասնավորեցման 2017-2020 թվականների ծրագրի մասին», «Գույքի նկատմամբ իրավունքների պետական գրանցման մասին», «Պետական ոչ առևտրային կազմակերպությունների մասին», «Քաղաքաշինության մասին», Հայաստանի Հանրապետության օրենքների, պետական գույքի օտարման օրենսդրության և իր լիազորությունների հետ կապված իրավական այլ ակտերի անհրաժեշտ իմացություն.

3) տրամաբանելու, տարբեր իրավիճակներում կողմնորոշվելու ունակություն և առնվազն երկու օտար լեզուների (անգլերեն, ռուսերեն) պարտադիր իմացություն.

4) համակարգչով և ժամանակակից այլ տեխնիկական միջոցներով աշխատելու ունակություն:

2. Փորձագետը պետք է իրականացնի հետևյալ աշխատանքները.

1) օտարման ենթակա գույքի դասակարգում (իրացվելի և դժվար իրացվելի),

2) օտարման ենթակա գույքի դասակարգման համար հայտանիշների սահմանում,

3) օտարման ենթակա գույքի լավագույն օգտագործման հնարավորությունների բացահայտում,

4) գույքի լավագույն օգտագործման հնարավորությունների (արդյունքների) կանխատեսելի քանակական գնահատում,

5) օտարման ենթակա գույքի ներգրավմամբ ներդրումային ծրագրերի (այդ թվում նաև սոցիալական նշանակության) մշակում,

6) մշակված ներդրումային ծրագրի վերաբերյալ հանրությանն իրազեկման (գովազդման) կազմակերպում և իրականացում:

3. Փորձագետը պարտավորվում է Պետական գույքի կառավարման կոմիտեի պետական գույքի տնօրինման վարչության պետական գույքի օտարման բաժնի պետին ներկայացնել հաշվետվություն իր կողմից իրականացրած աշխատանքների մասին եռամսյա պարբերականությամբ, իսկ աշխատանքներն ավարտելուց հետո՝ պայմանագրի ժամկետի ավարտից 5 աշխատանքային օր առաջ ներկայացնի ամփոփ հաշվետվություն վեց ամսվա ընթացքում կատարված աշխատանքների վերաբերյալ:

Փորձագետի կողմից ներկայացված հաշվետվությունը կգնահատվի դրական կամ բացասական: